

№ ____-сонли Кредит шартномаси

20__ йил _____

Бир томондан АТБ “ASIA ALLIANCE BANK” номидан ҳаракат қилувчи бундан бўён, матнда “Банк” деб юритилади, номидан ____ йил _____ даги ____ сонли Ишонномага асосан фаолият кўрсатувчи _____ ва
иккинчи тарафдан Уставга асосан фаолият кўрсатувчи “_____” МЧЖ бундан бўён, матнда “Қарз олувчи» деб юритилади, номидан хўжалик юритувчи субъект раҳбари _____ ушбу шартномани қўйидагилар тўғрисидаги туздилар:

1. Шартнома предмети

1.1. Банк Қарз олувчига _____ (_____ сўм / 00 тийин) миқдордаги қисқа муддатли кредит маблағларини очик кредит линияси орқали револьвер асосида, _____ мақсадлари учун тақдим этади.

2. Кредитни бериш ва тўлаш тартиби

2.1. Кредит Қарз олувчига мазкур шартноманинг 1.1.-бандида кўрсатиб ўтилган кредит мақсадлари учун тақдим этилади.

2.2. Кредит муддати – ажратилган кредитни 12 ой муддат ичида тўлиқ қайтариш шarti билан _____ (_____) ойга берилади. Бунда, кредитлар траншлар асосида ажратилади ва ҳар бир транш муддати 12 ойдан ошмаслиги лозим.

2.3. Кредит тури – очик кредит линияси орқали револьвер асосида.

2.4. Очик кредит линияси орқали револьвер асосида кредит линиясидан фойдаланиш имконияти – мазкур шартнома имзоланган санадан бошлаб _____ (____) ой.

2.5. Кредит, Қарз олувчига алоҳида ссуда ҳисобраками орқали унинг тўлов ҳужжатлари асосида Ўзбекистон Республикаси қонунчилигида белгиланган тартибда ажратилади.

2.6. Кредит маблағлари ушбу шартноманинг 1-иловасида кўрсатилган Кредитни қайтариш жадвалига мувофиқ кредит валютасида қайтарилади.

2.7. Агар кредит бўйича асосий қарзни қайтариш ва фоизларни тўлаш саналари банк иш кунига тўғри келмаса, унда тўловлар кейинги банк иш кунига ўтказилади.

2.8. Агар қарз олувчи кредитнинг асосий қарзини Кредитни қайтариш жадвали бўйича белгиланган муддатда қайтармаса, Банк қарзнинг тўланмаган қисмини муддати ўтган кредитлар ҳисобига ўтказиши. Қарз олувчи муддати ўтказиб юборилган қарз мажбуриятларининг ҳар бир куни учун ушбу шартноманинг 3.1-бандига мувофиқ равишда фоизлар тўлайди.

3. Кредит учун тўлов

3.1. Банк кредитнинг ҳақиқатдаги қолдиғи ҳисобидан келиб чиқиб, йиллик _____ (_____) фоиз ставкаси миқдоридан устама ҳақ ҳисоблайди. Кредитни қайтариш графигига кўра, асосий қарзни қайтариш муддати бузилган тақдирда, Банк ҳақиқатда муддати ўтказиб юборилган асосий қарзга кредит бўйича ўрнатилган фоиз ставкасининг 1.5 баробари миқдоридан оширилган фоиз ҳисоблайди. Кредит бўйича фоизлар қарздор томонидан олинган кредитнинг валютасида тўланади.

3.2. Фоизлар кредитни ўзлаштиришнинг биринчи кунидан бошлаб, кредит маблағларининг амалдаги қолдиғига, кунлик равишда, иш кунининг якунида, ҳар ойдаги ҳақиқатдаги кунлар сонидан келиб чиққан ҳолда, йилда 365 кун ҳисобида ҳисобланади.

3.3. Қарз олувчи томонидан конвертация қилишга Ўзбекистон Республикаси валюта биржасига йўналтирилган кредит маблағлари учун фоизларни ҳисоблаш, харид қилинган чет эл валютаси Қарз олувчининг махсус валюта ҳисоб рақамига қарз қилинган кундан бошлаб амалга оширилади.

Агар конвертацияга йўналтирилган миллий валютадаги кредит маблағлари Қарз олувчининг ташаббуси ва топшириғи билан у томондан кредит шартномасига зид бўлмаган мақсадларга қайтадан йўналтирилса, ушбу

маблағлар бўйича фоизларни ҳисоблаш, кредит маблағларини йўналтириш санасидан бошлаб амалга оширилади.

Агар кредит маблағлари хорижий валютада бўлса: Қарз олувчи хорижий валютада кредит олиш бўйича ўзининг танлови ва бундай танловга кўра хорижий валюта курсининг ўзгариши натижасида хорижий валютада олинган кредит бўйича миллий валютадаги қарз юқининг ошиб кетиши билан боғлиқ равишда келиб чиқадиган хавф-хатарлар ва оқибатлар тўғрисида Банк томонидан огоҳлантирилган ва қарз олувчи бундай оқибатлар юзага келиши мумкинлигидан тўлиқ хабардор.

3.4. Қарз олувчи, кредит ажратилгандан кейин 20__ йилнинг ____ ойдан бошлаб, ҳар ойнинг ____ санасида, Банкка ушбу шартномага мувофиқ кредитдан фойдаланганлик учун ҳисобланган фоизларни тўлайди.

Ҳисобланган фоизлар белгиланган муддатда тўланмаган ҳамда улар бўйича муддати ўтган қарздорликлар юзага келган ҳолларда, Қарздор Банкка кечиктирилган ҳар бир кун учун, кечиктирилган тўлов суммасининг 0,15 % миқдоридан, лекин кечиктирилган тўлов суммасининг 50 фоизидан кўп бўлмаган миқдорда пеня тўлайди.

3.5. Кредит бўйича асосий қарз ва фоизларни коплаш, Банк томонидан Қарз олувчининг тўлов топшириқномаларини бажариш, Банкнинг тўлов талабномалари ва/ёки мемориал ордери орқали Қарздорнинг депозит ҳисобварағидан маблағларни мустақил равишда ечиб олиш йўли билан амалга оширилади.

3.6. Агар ушбу шартнома бўйича қарздор томонидан пул мажбуриятларини бажариш кунинда тўланиши лозим бўлган маблағлар Банкнинг тегишли ҳисоб рақамида бўлмаса ёки келиб тушмаса, кредитни қайтариш ва ундан фойдаланганлик учун ҳисобланган фоизларни тўлаш бўйича мажбуриятларнинг ўз вақтида ва тўлиқ бажарилишини таъминлаш мақсадида Қарз олувчи Банкка банкдаги ва бошқа банкларда очилган ҳисоб варақлардаги маблағларини қарздорликларни коплаш учун йўналтиришга ҳамда ечиб олишга топшириқ беради.

3.7. Қарз олувчи ҳисоб рақамига келиб тушадиган маблағлар унинг ушбу шартнома бўйича қарздорликларни коплаш учун қуйидаги тартибда йўналтирилади:

- пеняларни коплаш бўйича кечиктирилган тўловлар;
- кредит фоизлари бўйича кечиктирилган тўловлар;
- кредитнинг асосий қарзини коплаш бўйича кечиктирилган тўловлар;
- муддати ўтган асосий қарзга кўпайтириб ҳисобланган фоизлар бўйича тўловлар;
- кредит бўйича муддатли фоизлар тўловларини коплашга;
- кредит бўйича муддатли асосий қарзни сўндириш учун тўловлар.

4. Кредитнинг қайтарилишини таъминлаш

4.1. Ушбу шартнома бўйича берилган кредит қуйидагилар билан таъминланади:

а) Умумий қиймати _____ (_____/ 00) сўм бўлган Қарз олувчига тегишли _____ гарови. Банк ва Қарз олувчи ўртасида 20__ йил _____ да имзоланган 1-сонли гаров мулки қийматини келишиш далолатномасига мувофиқ гаров предметининг келишилган гаров қиймати _____ (_____/ 00) сўмни ташкил этади. Кредит таъминоти сифатида тақдим этилаётган юқорида кўрсатилган гаров предмети бўйича гаров шартлари алоҳида Гаров шартномаси билан белгиланади;

б) Умумий қиймати _____ (_____/ 00) сўм бўлган, 3-шахс (гаровга қўювчи) – “_____” га тегишли _____ гарови. Банк, Қарз олувчи ҳамда Гаровга қўювчи ўртасида 20__ йил _____ да имзоланган 1-сонли гаров мулки қийматини келишиш далолатномасига мувофиқ гаров предметининг келишилган гаров қиймати _____ (_____/ 00) сўмни ташкил этади. Кредит таъминоти сифатида тақдим этилаётган юқорида кўрсатилган гаров предмети бўйича гаров шартлари алоҳида Гаров шартномаси билан белгиланади;

в) Мулк ҳуқуқи асосида мулкдор “_____”га тегишли бўлган, _____ шаҳри, _____ тумани, _____-уй манзилида жойлашган, умумий қиймати Банк ва Қарз олувчи (Гаровга қўювчи - агар гаровга қўювчи 3-шахс бўлса) ўртасида 20__ йил _____ да имзоланган 1-сонли гаров мулки қийматини келишиш далолатномасига мувофиқ гаров мулкнинг келишилган гаров қиймати _____ (_____/ 00) сўмни ташкил этадиган кўчмас мулк гарови (ипотека).

Гаровнинг (ипотека) ўзига хос шартлари нотариал тасдиқланган гаров (ипотека) шартномаси билан белгиланади. Қарз олувчи, Гаров предметини сугурталаш шартлари Банк томонидан маъқулланган сугурта компанияси орқали сугурталаш мажбуриятини ўзига олади. Мазкур сугурта шартномаси бўйича Сугурта ходисаси содир бўлган тақдирда Фойда кўрувчи Банк ҳисобланади. Қарз олувчи томонидан Гаров предмети юзасидан ўрнатилган тартибда расмийлаштирилган сугурта шартномаси, сугурта полиси ва нотариал тартибда расмийлаштирилган гаров (ипотека) шартномаси Банкка мазкур шартнома имзоланган кундан бошлаб _____ календарь куни ичида/кредит маблағларини тақдим этгунга қадар/тақдим этилиши лозим.

г) Банк ва Қарз олувчи/Гаровга қўювчи (агар гаровга қўювчи 3-шахс бўлса) ўртасида 20__ йил _____ да имзоланган 1-сонли гаров мулки қийматини келишиш далолатномасига мувофиқ, гаров

мулкнинг келишилган гаров киймати _____ (_____ / 00) сўми ташкил этадиган, номинал киймати _____ (_____, 00 тийин) сўм бўлган, “Эмитент номи” томонидан чиқарилган ҳамда “Акция соҳиби”га тегишли бўлган 1000 дона оддий, эгаси ёзилган/ёзилмаган Акциялар гарови (кейинчалик Гаров предмети). Кредит таъминоти сифатида тақдим этилаётган юқорида кўрсатилган гаров предмети бўйича гаров шартлари алоҳида Гаров шартномаси билан белгиланади;

д) “ _____ ”(кейинчалик кафиллик берувчи) нинг умумий суммаси _____ (_____ 00 тийин) бўлган Кафиллиги. Кафиллининг ўзига хос шартлари Банк, Қарздор ва Кафил ўртасида тузиладиган тегишли Кафиллик шартномасида белгиланади.

е) Банк ва Қарз олувчи/Гаровга кўювчи (агар гаровга кўювчи 3-шахс бўлса) ўртасида 20__ йил _____ да имзоланган 1-сонли гаров мулки кийматини келишиш далолатномасига мувофиқ гаров предмети келишилган гаров киймати _____ (_____ / 00) сўми ташкил этган, 20__ йилда ишлаб чиқарилган, давлат рақами _____, ранги _____, двигатель рақами _____, кузов рақами _____ бўлган “ _____ ” _____ га тегишли бўлган, _____ русумли автомашина/маҳсус техника гарови. Гаровнинг ўзига хос шартлари нотариал тасдиқланган гаров шартномаси билан белгиланади. Қарз олувчи, Гаров предмети сугурталаш шартлари Банк томонидан маъқулланган сугурта компанияси орқали сугурталаш мажбуриятини ўзига олади. Мазкур сугурта шартномаси бўйича Сугурта ходисаси содир бўлган тақдирда Фойда кўрувчи томон Банк ҳисобланади. Қарз олувчи томонидан Гаров предмети юзасидан ўрнатилган тартибда расмийлаштирилган сугурта шартномаси, сугурта полиси ва нотариал тартибда расмийлаштирилган гаров шартномаси Банкка мазкур шартнома имзоланган санадан бошлаб, _____ календарь куни ичида/кредит маблағларини тақдим этилгунга қадар/тақдим этилиши лозим;

ж) Қарз олувчига ажратилаётган кредит ҳисобига 20__ йил _____ даги _____ –сонли шартномага асосан “Сотувчидан” _____ (_____) сўмга сотиб олинаётган автомашина/маҳсус техника (Кейинчалик гаров предмети) гарови. Гаров предмети келишилган гаров кийматида - _____ (_____ / 00) сўм қабул қилинади.

Гаровнинг ўзига хос шартлари нотариал тасдиқланган гаров шартномаси билан белгиланади. Қарз олувчи, Гаров предмети сугурталаш шартлари Банк томонидан маъқулланган сугурта компанияси орқали сугурталаш мажбуриятини ўзига олади. Мазкур сугурта шартномаси бўйича Сугурта ходисаси содир бўлган тақдирда Фойда кўрувчи томон Банк ҳисобланади. Қарз олувчи томонидан Гаров предмети юзасидан ўрнатилган тартибда расмийлаштирилган сугурта шартномаси, сугурта полиси ва нотариал тартибда расмийлаштирилган гаров шартномаси Банкка мазкур шартнома имзоланган санадан бошлаб, _____ календарь куни ичида/кредит маблағлари тақдим этилгунга қадар/тақдим этилиши лозим;

з) “ _____ ”Сугурта Компанияси (кейинчалик “Сугурта килдирувчи”) нинг _____ сўм кийматидаги, кредитнинг қайтмаслиги хавф-хатаридан Сугурта полиси. Ушбу шартнома имзолаган санадан бошлаб _____ календарь куни мобайнида/кредит маблағлари берилгунга қадар Банк Сугурта килдирувчи билан киймати _____ сўм бўлган кредитнинг қайтмаслиги хавф-хатари юзасидан сугурта шартномасини тузади ва сугурта мукофотини Сугурта килдирувчига тўлаб беради, Қарз олувчи эса Банк томонидан тўланган сугурта мукофоти суммасини ўша куннинг ўзида қоплаб беради.

и) _____ сўм миқдоридagi Гаров депозити.

4.2. Агар Қарз олувчи ушбу шартномада кўрсатилган муддатларда кредит бўйича асосий қарзни ва/ёки кредит фоизларини тўлаш қобилиятига эга бўлмаса/тўловларни амалга ошира олмаса, Ўзбекистон Республикаси қонунчилигига мувофиқ Банк ундирувчи мазкур шартноманинг 4.1-бандида кўрсатилган Кредит таъминотига қаратиш бўйича мутлоқ ҳуқуққа эга бўлади.

4.3. Ўзбекистон Республикаси қонун ҳужжатларига мувофиқ, Қарз олувчи мазкур шартнома доирасида ўз мажбуриятларининг бажарилиши юзасидан ўзига тегишли ва ундирувчи қаратиш мумкин бўлган барча мол-мулки билан жавобгардир.

5. Банкининг мажбуриятлари

Банк қуйидаги мажбуриятларни олади:

5.1. Ушбу Шартномада кўзда тутилган миқдорда ҳамда шартларда Қарз олувчига кредит маблағларини ажратиб.

Қарз олувчи ва учинчи шахслар томонидан таъминот бўйича ушбу шартноманинг 4-бандида кўрсатилган барча мажбуриятлар бажарилган ҳамда Қарз олувчининг молиявий ҳолати ёмонлашуви аломатлари сезилмаган ҳолларда Банк ўзининг мажбуриятларини бажаради.

5.2. Ушбу шартномага мувофиқ кредитнинг фойдаланилган қисми бўйича фоизларни ҳисоблаш.

5.3. Олинган кредитнинг ҳисобини юритиш учун, Қарз олувчининг номига ссуда ҳисоб рақамини очиш ва лозим ҳолларда бу ҳисоб айланмаси кўчирмаси маълумотларини Қарз олувчига тақдим этиб бериш. Қарз олувчининг ҳисоб-варағи бўйича банк кўчирмаси агар аниқ хатоликлар мавжуд бўлмаса, ушбу Шартнома бўйича Қарз олувчининг тўлов мажбуриятлари пайдо бўлишининг ёки бажарилишининг яқуний далили ҳисобланади.

5.4. Қарз олувчига Банк томонидан кредитни муддатидан олдин қайтариб олиш асослари ва сабаблари бўйича хабар бериш.

6. Банкнинг ҳуқуқлари

6.1. Кредит бериш жараёнида Банк Қарз олувчининг молия-ҳўжалик фаолиятини, бухгалтерия ҳисоби ва ҳисоботи ҳолатини, кредитдан мақсадли фойдаланишни текширишга ҳақли.

6.2. Банк кредитлашнинг бутун даври мобайнида кредит таъминоти ва унинг сақланиши ҳолатини, таъминотнинг етарлилиги ва ликвидлигини, шунингдек гаров шартномаси бўйича Қарз олувчи томонидан ўзига олинган мажбуриятларнинг бажарилишини вақти вақти билан текшириб боради. Текширувларни ўтказиш даврийлиги Банк томонидан белгиланади.

6.3. Агар тўлов ҳужжатлари мазкур шартнома ёки Ўзбекистон Республикаси қонунчилигига зид равишда расмийлаштирилган тақдирда, Банк Қарз олувчига унинг ссуда ҳисоб рақамидан тўловларни ўтказиб беришдан бош тортиш ҳуқуқига эга.

6.4. Кредит бўйича асосий қарз ёки ҳисобланган фоизларни тўлаш муддати келганида, Банк асосий қарз, ҳисобланган фоизлар ва кредит бўйича бошқа тўловларни ундириш учун Қарз олувчининг банкда очилган талаб қилиб олгунгача бўлган депозит ҳисоб варақларидан, агар уларда маблағлар мавжуд бўлмаган ҳолларда бошқа банкларда очилган барча ҳисобварақлардан маблағларни сўзсиз, ҳеч қандай шартларсиз ва акцептсиз равишда кўчириш бўйича мутлок ҳуқуққа эга бўлади.

6.5. Қуйидаги ҳолларда:

- ушбу Шартнома бўйича Қарз олувчи зиммасига юклатилган мажбуриятларнинг бажарилмаслиги/тўлик бажарилмаслиги ва/ёки бузилиши;

- қарз олувчи молиявий аҳолининг ёмонлашуви, Қарздорнинг банкротлиги;

- кредит таъминотининг ликвидлиги, қийматини ва ҳақиқийлигининг йўқотилиши, гаров предметининг қисман ёки тўлик зарарланиши;

- қарз олувчи томонидан Банкка ишончсиз/нотўғри маълумотларни тақдим этиш ҳолатларининг Банк томонидан аниқланиши;

- бухгалтерия ҳисоби ва ҳисоботининг эътиборсиз қолдирилиши, Банкка ҳисоботларнинг тақдим этилмаслиги, Қарздорнинг банк назоратидан бош тортиши;

- банк томонидан кредит ресурсларидан мақсадсиз фойдаланиш ҳолатлари аниқланиши;

- асосий қарз, фоизларни ўз вақтида тўламанмаслиги;

- қарз олувчининг Банкни ёзма равишда огоҳлантирмаган ҳолда ўз ташкилий-ҳуқуқий шаклининг ўзгартирилиши, қайта ташкил этилиши (бошқа корхоналарга қўшилиб кетилиши, ажралиб чиқиши, алмаштирилиши), тугатилиши;

- Қарз олувчи ёки учинчи шахсларга нисбатан Қарз олувчи билан боғлиқ ҳолда бирон-бир тарзда даъво ёки иш қўзғатилиши натижасида Қарз олувчининг ҳар қандай мол-мулки ўз кредиторлари орасида тақсимланиши мумкин бўлса ҳамда бу ҳолат қарздорнинг мазкур шартнома бўйича ўз мажбуриятларини бажариш қобилиятига салбий таъсир кўрсатиши;

- кредитни қайтармаслик хавфини оширадиган ҳар қандай омилларнинг пайдо бўлиши;

- Суғурта компаниясининг суғурта копламасини тўлик ёки қисман тўлаш бўйича мажбуриятларининг тугатилиши;

- кредитнинг қайтарилмаслик хавфи юзасидан суғурта шартномасининг бекор қилиниши ёки амал қилишининг тугаши;

- Қарз олувчи томонидан пул айланмаларининг асосий қисмини АТБ "ASIA ALLIANCE BANK" тизимида амалга оширмаслиги,

Банк қуйидаги ҳуқуқларга эга:

- кредит бўйича асосий қарз, улар бўйича ҳисобланган фоизлар ва/ёки бошқа тўловларни тўлашга йўналтириш учун Қарздорнинг ҳар қандай ҳисобварағидан маблағларни сўзсиз равишда ҳисобдан чиқариш;

- ушбу шартнома бўйича янги суммаларни ва навбатдаги траншларни ва/ёки янги кредитларни беришни тўхтатиш;

- кредитни муддатидан олдин қайтаришни талаб қилиш, шу жумладан кредитни муддатидан олдин қайтаришни тўлик ёки қисман гаров предметига, Кафилга ва/ёки Суғурта қилувчига қаратиш. Ушбу ҳолатда Банк Қарздорга кредит бўйича мажбуриятларни тўлик бажариш учун 5 (беш) календар кунлик муддат берган ҳолда кредитни муддатидан олдин қайтариш тўғрисидаги талабнома юборади.

7. Қарз олувчининг мажбуриятлари

Қарз олувчи қуйидаги мажбуриятларни олади:

7.1. Кредитдан фойдаланиш жараёнида муддатлилик, кайтаришлилик, мақсадлилик, тўловлилик ҳамда таъминланганлик каби кредит беришнинг асосий тамойилларига риоя қилиш.

7.2. Кредитдан ушбу шартноманинг 1.1-бандида кўрсатилган мақсадлар учун фойдаланиш.

7.3. Кредитдан фойдаланганлик учун ҳисобланган фоизларни мунтазам ва ўз муддатида тўлаб бориш, олинган кредит ва фоизларни ушбу шартномада белгиланган муддатларда кайтариш.

7.4. Кредитлаш даврида кредит маблағлари, фоизлар ва комиссиялар тўлик коплангунига қадар, Банкда очилган депозит ҳисобварағида кредит қарздорликларини тўлаш учун етарли миқдордаги пул маблағлари мавжуд бўлишни таъминлаш.

7.5. Бошқа банкларда ҳисобрақамлар очилган тақдирда, ушбу ҳисобрақамлар очилган кундан бошлаб 5 (беш) календар кунидан ошмаган муддат ичида Банкни хабардор қилиш.

7.6. Ўз ташкилий-ҳуқуқий шаклининг ўзгариши, корхонани қайта ташкил этиш ёки тугатиш юзасидан қўйилган ўзгаришлар бўйича Банкни олдиндан огоҳлантириш, шунингдек, Банк билан олдиндан келишмасдан ҳамда унинг руҳсатини олмасдан туриб ушбу Шартнома бўйича Қарз олувчига юклатилган мажбуриятларни ўз вақтида ва тўлик бажариш қобилиятига салбий таъсир қилиши мумкин бўлган ҳар қандай хатти-ҳаракатларни амалга оширмаслик.

7.7. Кредит таъминотини кредит суммасининг камида 125% миқдорда бўлишини таъминлаш.

7.8. Банкнинг олдиндан розилигини олмасдан туриб, учинчи шахслар олдида мажбуриятларни бажариш қобилияти сифатида ўзининг ҳар қандай мол-мулкини гаровга тақдим қилмаслик, учинчи шахсларнинг мажбуриятлари бўйича Кафил бўлмаслик ёки Кафолат бермаслик.

7.9. Банк томонидан гаровга қабул қилинадиган мулкни Банкка маъқул бўлган шартлар асосида сугурталаш.

Банк томонидан сугурта шартномаси бўйича тўлаб берилган сугурта тўловлари ҳаражатларни қоплаб берилиши талаб қилинган кундан бошлаб 5 (беш) банк куни давомида қоплаб бериш.

7.10. Банкнинг талабига кўра ҳар қандай молиявий, бухгалтерия ва бошқа ҳужжатларни ҳамда маълумотларни зудлик билан тақдим этиш, зарур бўлган ҳолларда Банкнинг ўзига ёки банк ишонч билдирган ташкилотга бундай ҳужжатлар билан жойига бориб танишиш ва текширишга, шунингдек, мазкур шартноманинг 6.2- бандида кўрсатиб ўтилган ҳолатларга оидлик киритиш юзасидан бошқа ҳаражатларни амалга оширишга шарт-шароит яратиб бериш.

Ушбу шартноманинг 6.2-бандида кўрсатиб ўтилган Банкнинг назорат функцияларини амалга ошириш учун, Банкка қуйидагиларни:

- барча иловаларини ўз ичига олган ҳар чораклик бухгалтерия баланси ва молиявий натижалар тўғрисидаги ҳисоботни;

- асосий воситалари ёйилмаси (баланс қиймати кўрсатилган ҳолда);

- муддати ўтган дебиторлик ва кредиторлик қарзлари бўйича чораклик ёйилма маълумотларни;

- банкнинг талабига кўра Қарз олувчининг молия-хўжалик фаолияти юзасидан бошқа керакли маълумотларни тақдим этиб бориш ҳамда Банк ходимларига Қарз олувчининг молия-хўжалик фаолиятига тааллуқли бўлган ҳужжатларини текширишга руҳсат бериш.

Банкка тақдим этилган ҳар қандай маълумотларнинг қонуний ва тўғрилиги юзасидан маъсулият ва жавобгарлик Қарз олувчи зиммасига юклатилади.

7.11. Текширишларни амалга ошириш учун Банк ходимларига хизмат хоналарига, ишлаб чиқариш, омборхона ва бошқа биноларга киришларига шароит яратиш. Текширишларни ўтказиш вақти ва саналари Банк томонидан мустақил равишда белгиланади.

7.12. Бюджет ҳамда бюджетдан ташқари фондлар ва контрагентлар олдида юзага келган муддати ўтган қарздорликнинг келиб чиқиши ва миқдори ҳақида дарҳол Банкка хабар қилиш.

7.13. Корхона реквизитлари (номи, жойлашган манзили ва почта манзили), раҳбарият ва таъсисчилар таркибида юзага келиши қўйилган ўзгаришлар бўйича Банкка ёзма равишда, шунингдек бундай ўзгаришлар амалга оширилган кундан бошлаб 3 (уч) календар куни ичида тегишли ўзгаришларнинг ўрнатилган тартибда расмийлаштирилганлигини тасдиқловчи ҳужжатларни тақдим этиш.

7.14. Ушбу шартнома доирасида Қарз олувчи мажбуриятларнинг тўлик ва ўз вақтида бажарилиши қобилиятига таъсир кўрсатиши мумкин бўлган барча ҳодисалар ва омилларни Банкка маълум қилади.

7.15. Кредитнинг кайтарилишини таъминлаш учун, Банк талаби бўйича Қарз олувчи қуйидаги ҳолларда, қўшимча таъминот тақдим этиш мажбуриятини олади:

- Қарз олувчи молиявий аҳволининг ёмонлашуви;

- Кафилнинг ёки Сугурта қилдирувчи молиявий аҳволининг ёмонлашуви ёки банкротлиги;

- гаров таъминоти қийматининг камайиши (бозор нархининг пасайиши), гаров предметининг қисман ёки тўлик зарар кўриши ёки йўқотилиши;

- сугурта шартномасининг бекор қилиниши;
- кредитнинг қайтмаслик хатарини оширувчи бошқа омилларнинг юзага келиши.

Юқорида кўрсатилган ҳолатларда, шунингдек, гаровга қўйилган мол-мулкнинг йўқотилиши ва/ёки қисман зарарланиши ва/ёки унинг бозор қийматининг пасайиши ҳолатларида, Қарз олувчи бир пайтнинг ўзида Гаровга қўювчи бўлиши ёки бўлмаслигидан қатъий назар, Банк томонидан тегишли талаб юборилган кундан бошлаб 10 (ўн) календар кун ичида Банкни қониқтирадиган даражадаги қўшимча таъминотни тақдим этиши шарт.

7.16. Қарз олувчи молиявий ҳолатининг ёмонлашувига ҳамда Банк олдидаги ўз мажбуриятларини бажара олмаслик хавфини ортишига олиб келувчи ҳар қандай мажбурият ва вазифаларни қабул қилмаслик.

7.17. Бундай мажбуриятлар бажарилгунга қадар 5 календар кун олдиндан, Қарз олувчи банкдаги ўз ҳисоб рақамларида бюджет ва учинчи шахслар олдидаги мажбуриятлардан холи бўлган ҳамда Банк кредити бўйича ўз мажбуриятларини бажарилишини таъминлашга етарли миқдорда минимал даражадаги маблағлар қолдиги мавжуд бўлишини таъминлаши шарт.

Ушбу муддат мобайнида Қарз олувчи талаб қилиб олингунча депозит ҳисобварақларидан амалга ошириладиган барча харажатларни Банк билан келишган ҳолда амалга оширишга мажбур.

7.18. Қарз олувчининг ташаббуси билан кредит шартлари ўзгарган тақдирда, Банк Тарифларига мувофиқ банк комиссиясини тўлаш.

7.19. Пул айланмаларининг асосий қисмини АТБ "ASIA ALLIANCE BANK" тизимида амалга ошириш.

8. Қарздорнинг ҳуқуқлари

Қарз олувчи:

8.1. Ушбу шартнома шартларига мувофиқ кредит олиш ва ушбу шартноманинг 2.2-бандида кўрсатиб ўтилган кредит муддати давомида кредитдан фойдаланиш.

8.2. Банкни ёзма равишда огоҳлантирган ва банк билан кредит бўйича барча ҳисоб китобларни амалга оширган ҳолда қисман ёки тўлиқ равишда кредитдан фойдаланмаслик.

8.3. Кредит қарздорлигини қисман ёки тўлиқ равишда ўз муддатидан олдин қайтариш. Кредитни муддатидан олдин қайтариш мазкур шартноманинг 3.7. бандида назарда тутилган тартибда амалга оширилади.

9. Томонларнинг мажбуриятлари

9.1. Шартнома мажбуриятлари томонларнинг бири томонидан бажарилмаган ёки лозим даражада бажарилмаган тақдирда, ушбу томон бошқа томонга етказилган зарарларни қоплаб беради, шунингдек Ўзбекистон Республикаси қонунларида белгиланган тартибда жавобгар бўлади.

9.2. Мазкур шартноманинг 7.6, 7.7, 7.8., 7.9-бандларида назарда тутилган мажбуриятларни бузганлик учун Банк Қарз олувчидан амалдаги базавий ҳисоблаш миқдорининг 5 баробари миқдорда жарима ундиришга ҳақли.

10. Бошқа шартлар

10.1. Банк томонидан Қарз олувчининг Банкка маълум бўлган сўнги манзилига юборилган ҳар қандай ёзишмалар, шунингдек билдирилган ҳар қандай хабар юборилган кундан бошлаб учинчи иш кунига Қарз олувчи томонидан қабул қилинган деб, Банк томонидан етказилган деб ҳисобланади. Билдиришноманинг юборилган санаси Почта муҳри бўйича аниқланади.

10.2. Ушбу шартнома ҳар икки томон имзолаган кундан бошлаб кучга киради ва Қарз олувчи ушбу Шартномага мувофиқ Банк олдида олган барча мажбуриятларини тўлиқ бажаргунга қадар амал қилади.

10.3. Агар томонлардан бирортаси юридик шахс сифатида фаолият юритишни тўхтатган ёки унинг юридик мавқеъига бошқа ўзгартиришлар киритилган тақдирда, у ушбу шартнома доирасида бошқа томоннинг олдидаги ўз мажбуриятларини ўзининг фаолиятини тугатгунга қадар (ўзгартиришлар киритилгунга қадар) бажариб қўйиши шарт, фақатгина бу мажбуриятлар тугатилаётган (ўзгариш киритилаётган) томоннинг ҳуқуқий вояси зиммасига юклатилган ҳолатлар бундан мустасно.

10.4. Ушбу билан Қарз олувчи Банк томонидан кредит тарихини шакллантириш учун кредит шартномасининг имзоланиши шартлари, тақдим этилган таъминот ҳамда мажбуриятларнинг бажарилиши билан боғлиқ маълумотларни Кредит ахбороти давлат реестри, Кредит бюроси, Гаров реестрига тақдим этишга ўз розилигини билдиради.

10.5. Томонлар ўртасида келишмовчиликлар юзага келган ҳолларда ушбу шартномани бажариш билан боғлиқ низолар Тошкент шаҳар туманлараро иқтисодий судида ёки Фуқаролик ишлари бўйича Миробод туманлараро судида кўриб чиқилади.

10.6. Томонлар ўртасида келишмовчиликлар юзага келган ҳолларда, икки томоннинг мажбуриятларини асослашда банк ёзувлари устуворликка эга.

10.7. Мазкур шартномага киритилган барча ўзгартиришлар ва қўшимчалар, улар ёзма шаклда тузилган ва тарафларнинг ваколатли вакиллари томонидан имзоланган тақдирдагина ҳақиқий ҳисобланади.

10.8. Ушбу шартнома ҳар бир томон учун биттадан, жами 2 та асл нусхада тузилди.

10.9. Мазкур шартнома билан тартибга солинмаган масалалар Ўзбекистон Республикаси қонунчилиги билан тартибга солинади.

БАНК:	Қарз оловчи:
АТБ «ASIA ALLIANCE BANK» _____ филиали	«_____» МЧЖ
Манзил: _____ _____	Манзил: _____ _____
СТИР: _____	СТИР: _____
МФО: _____	х/р: _____
Телефон: _____ _____	МФО: _____
_____	Раҳбар _____
_____	Бош ҳисобчи _____
М.Ў.	М.Ў. (агар мавжуд бўлса)

1. Шартноманинг 3.3-банди агар кредит маблағлари фақат конвертация учун йўналтирилган тақдирда қўлланилади.

2. Шартноманинг 3.3-банди 3-хат боши талаблари агар кредит маблағлари хоризжий валютада ажратилган тақдирда қўлланилади.

3. Таъминот турлари ҳар бир ҳолат бўйича алоҳида кўрсатилади.

4. Тошкент шаҳридан ташқарида жойлашган филиаллар учун шартноманинг 10.5-бандида ўша ҳудуднинг тегишли суди кўрсатилади.